

la darmok. ranmi

le xe draci

PIKARD. jatna be la .enterprais.

RIKER. pamoi vairsoi

DEITAS.

.UORF.

LAFORDJ.

.OBRAIN.

TROIS.

SKAMI

LEFLER.

KRYCER.

DACON. kesfange jatna

PAMOIS. pamoi vairsoi

le cfaselsku

.i le nu jatna plivei ku se tardetri li vo mu no vo ze pi re .i la .enterprais. ca'a klama ko'a goi le tolxa'u tarci'e be me'e zo .eladrel. i ko'a se stuze re'o le tutra be le nonseljmi kesfange cecmu be me'e lu'e la panzi be do'e la tamas.

bu'u pa jayku'a

PIKARD. | .i fo'a goi la panzi be do'e la tamas. la'a pu za klama la .eladrel. xi vo fi'o se puvza piso'a ci seljetfu .i fo'a pu za bi'o ca ru'i benji be fu le kesplo bei fa'a le suzgugje'a kensa

DEITAS. | .i le se benji cu selpau po'o pa mekso namcu porsu

RIKER. | .i fo'a djica le nu mi'o djuno le du'u fo'a zvati ko'a

PIKARD. | .i .ie doi pamois. i la starflit. cu jinvi le du'u le zvapre be ko'a cu troci le nu cusku doi le vonmoija'a

DEITAS. | .i le nu le suzgugje'a kesyblo penmi le kesyblo be fo'a pu ze'u rapli li ze .i ro le ze penmi cu mulno co to'e damba .i ku'i le ca'irselzau simselnu'e ze'epu na cfari ri'a le casnu co to'e cumki

RIKER. | .i ki'u ma

DEITAS. | .i le se bacru be fo'a pu se skicu fo lu smucau li'u la silvestris. po'u le jatna be la cikumarus. i le drata notci cu simsa

- .UORF. | seri'a le se raktu .i la'a fo'a ckape le mi'o tutra
- TROIS. | .i jarco le ka panpi vecu'u ro le pu notci .i .ei mi'o cfagau ji'u le ka panpi
- PIKARD. | .i .ie .i doi .uorf. mi ckire do le ka se kajde .i la starflit. cu krici le du'u fo'a pu cusku lu coi li'u .i mi'o .ei ba rinsa
- RIKER. | la panzi be do'e la tamas. zo'u mi ze'apu ru'inai ve lisri
- PIKARD. | .i je'a go'i .i da'i xu fa'o jetnu ckaji le ka nonsnu .i se'o le nu casnu cu se sarcu tu'a le ka deptsa je xarpei .i pe'i mi'o ca'a ckaji ri
- bu'u lo midyku'a
- DACON. | .i la rais. e la jiris. bu'u la lungas. i la rais. do'e la loUanis. i la loUanis. ni'a re mluni .i la jiris. do'e la .umbaiys. i la .umbaiys. do'e su'o pa kruca dargu bu'u la lungas. i la lungas. sekai le ka grusi tsani .i la rais. e la jiris. bu'u la lungas.
- PIKARD. | .i doi le menmikce
- TROIS. | .i doi le jatna mi ganse po'o le xamgu te mukti
- PIKARD. | .i doi deitas.
- DEITAS. | .i li'anai le prenu cu cusku tu'a le cmene .e le stuzi
- PIKARD. | .i je'e .ije ma bausmu
- DEITAS. | .i mi na djuno ga'i nai
- PIKARD. | .i doi le jatna xu do ba bredi le nu do zukpei le nu mi'o finti pa to'e gunta simselnu'e be le mi'o cecmu .ijebabo ju'ocu'i cajysi'u simselnu'e jebo mixre be fa tu'a le kulnu be mi'o .i le nu finti pa simselnu'e cu te skutolpro mi'o do xu
- PAMOIS. | .i la kadir. cnita la momotaf.
- DACON. | .i le rirxe po'u la temak. ca le dunra
- PIKARD. | .i doi pamois. jinvi ma
- RIKER. | .i fo'a simlu le ka troci .a'idai
- PIKARD. | .i ji'a mi'o troci .e'enai

- DACON. | .i la cakar. ca le bitmu farlu .i la darmok.
- PAMOIS. | .i la darmok. i la rais. e la jiris. bu'u la lungas.
- DACON. | .i la cakar. ca le bitmu farlu
- PAMOIS. | .i la zimas. bu'u la .anzos. i la zimas. e la bakar.
- DACON. | .i la darmok. bu'u la tanagras.
- PAMOIS. | .i la cakar. i la mirab. sekai le ka brefalnu
- DACON. | .i la darmok.
- PAMOIS. | .i la mirab.
- DACON. | .i la temak. i le rirxe po'u la temak. i la darmok. e la jalad. bu'u la tanagras.
- RIKER. | .i ko fanta tu'a le fo'a darbei sepi'o la cildys. i tengau fi le zmarai
- .UORF. | .i na ditka'e
- RIKER. | .i vi ma
- DEITAS. | .i fo'a puzi darbei la pikard. joi le fo'a jatna le plinysfe
- RIKER. | .i mi'e raiker. do'u be'e .obrain.
- DEITAS. | .i le nu darbei ku tolcu'i ga'i nai le nu le kesyblo be pi'o fo'a ba'o majgau pa slekasfoi ga'u re'o le ionti varxamsi be le plini
- le sezyta'a
- PIKARD. | .i le kensa po'u le romoi jimte .i cirvei le nu se litru be le kesyblo po'u la .enterprais. i ranji kosmyselgu'a fi le nu facki fi le cizra je cnino plini kei .e le nu mitysisku le cnino kamji'e .e le cnino selklu kei .e le nu darsi klama tu'a le no ze'epu klama
- bu'u lo midyku'a
- RIKER. | .i mi'e raiker. do'u be'e la pikard. po'u le jatna .i xu ju'i le jatna .i mi'o gafygau xu
- DEITAS. | .i na go'i ga'i nai .i fo'a ca'a dirce pa sletenli'i ku mo'i ne'i le galto varxamsi .iseri'abo le nu tcetce ionti cu dicra piji'a le bondi'e je kesplo xe benji

RIKER. | .i ji'a fo'a na gasnu le nu ke'a benji le jatna be fo'a

DEITAS. | .i go'i .i ku'i fo'a nalra'u le ganse ralxelbo'a

RIKER. | .i semu'i le nu fo'a kakne le nu ke'a djuno fi le selfri .i doi .uorf. ko lanli
.i .o'unairo'i ma selfri

.UORF. | .i terjvi la'a le fo'a jatna le mi'o jatna le balji'a

RIKER. | .i le fo'a jatna puzi ralte le xarci

ga'u re'o la .eladrel.

DACON. | .i la darmok. e la jalad.

PIKARD. | .i xu do djica le nu do damba mi .i xu di'u drani .i xu jivna

DACON. | .i la darmok. e la jalad.

PIKARD. | .i mi djuno fi pino la darmok. a pino la jalad. gi'e ku'i na klama ti tezu'e
le mu'e mi cfagau pa jamna

DACON. | .i la darmok. e la jalad. bu'u la tanagras.

PIKARD. | .i vi'onai le jatna

DACON. | .i la cakar. ca le bitmu farlu

bu'u lo midyku'a

DEITAS. | .i tu'a le gasyce cu xusra le du'u la pikard. e le fo'a jatna goi fo'e cu
kanro .i la pikard. sanli ca'u nu'i le fo'a jatna la'u lo mitre be li ji'i re no

RIKER. | .i ko gasnu tu'a le benji be fi le fo'a kesyblo

.UORF. | .i ekra bredi

RIKER. | .i do ca'a se pinfu le mi jatna goi ko'e .i mi nitcu le nu zifcru be ko'e

PAMOIS. | .i la darmok. bu'u la tanagras.

RIKER. | .i da'i le do se gasnu cu krinu le nu jamna

PAMOIS. | .i la kiteios. sekai le ganlo kanla .i la cenzas. bu'u le flapaizda .i le
flapaizda sekai le smaji .i la cenzas.

RIKER. | .i xu mi'o gasnu le nu fo'a jimpe

DEITAS. | .i la'e di'u nibli le nu zenba cilre

RIKER. | .i doi .uorf. ko ca'arcadgau

.UORF. | .i .oinai .i ga'i nai

RIKER. | .i doi .uorf. mi minde do le nu do gasnu tu'a pa bende gi'ebabo klama le plini fu pa cmakesyblo gi'ebabo xrukla fi'o kansa le jatna

.UORF. | .i vi'o le vonmoija'a

DEITAS. | .i ga'i nai fo'a ka'e kakne lo nu stigau tu'a pa cmakesyblo

RIKER. | .i mi djuno .i le nu fo'a fanta tu'a mi'o darbei cu to'e jibni frica le nu fo'a gunta pa cmakesyblo .i mi dejru'a fo le du'u fo'a na zukte le nu gunta

ga'u re'o la .eladrel.

DACON. | .i la cakar. ca le bitmu farlu

PIKARD. | .i je'a me la cakar. i doi le jatna ma bavla'i .i xu do gunta mi ca le mi sipna .ijo mi na mrobi'o be le ka dunja

DACON. | .i la darmok. pe do'e la kanzas. i la jalad. bu'u la kiteios.

PIKARD. | .i la pikard. pe le suzugje'a zi'e pe le kesyblo po'u la .enterprais. zi'e pe le plini po'u la terd.

DACON. | .i la kadir. cnita la momoteis. i la tembas.

PIKARD. | .i la tembas. i ma selsni .y. fagri si .i xu la tembas. du le fagri

DACON. | .i la tembas. sekai le ganra birka

PIKARD. | .i la tembas. mintu pa prenu poi le birka be ke'a cu ganra .i ri'a .y .uanai tu'a le sepli ra'irgau .y .y. sa .i mu'ibo dudyxe'o xu je nu dunda xu je nu cpacu

DACON. | .i la tembas. sekai le ganra birka

PIKARD. | .i ki'e .i ki'e sai

bu'u lo midyku'a .a le cmakesyblo

- RIKER. | .i pamoi vairsoi plivei co mincku .i mi puzi minde le nu le cmakesyblo cu klama la pikard. kei gi'e sorpa'a le nu la panzi be do'e la tamas. cu to'e zukte gi'e na se xaircu'i le nu damba
- .UORF. | .i le ma'u ze'i ratsle du li pi no pa ci .i le dicka'u cu se nildenmi li ze pi so mu .i le kantu cneparbi du li vo fe'i ze .i mi sepli ga'u nu'i le plinysa'i la'u lo mitre be li re gei re pi mu
- DEITAS. | .i doi le vonmoija'a le cmakesyblo cu tolyli'a le mumoi pagbu be le ionti varxamsi
- RIKER. | .i ca ma na kakne le zu'o benji
- DEITAS. | .i le slekasfoi be fi'e fo'a goi ko'a cu denmi fi le galraipau be le vomoi pagbu .i le cmakesyblo tolyli'a ba nu'i ko'a la'u lo mentu be li ji'i re
- RIKER. | .i le fo'a kesyblo cu mo
- DEITAS. | .i ga'i nai stodi .i fo'a ca na simlu le ka ce'u stigau
- RIKER. | .i la'a ba'o fo'a ticyja'o .i doi .uorf. ma tcini
- .UORF. | .i doi le vonmoija'a le sazmu'uskami .e le ji'esra .e le matra cu tolpo'u .i le kesyblo ciste cu na'e selxai tu'a le slekasfoi .i ku'i mi naru'e tirna do
- RIKER. | .i je'e ko ra'irgau le nu benji ca ze'e le crutcini vanbi
- DEITAS. | .i doi le vonmoija'a mi cfaga'e le zenri'a be le fo'a matra
- RIKER. | .i ju'i la .uorf. ko gafygau tu'a le ve klama xi vo
- DEITAS. | .i doi le vonmoija'a le cmakesyblo puzi se gunta
- RIKER. | .i ma tolprali
- DEITAS. | .i le zunle matra cu spofu
- RIKER. | .i xu po'o .i mi'e raiker. do'u be'e .uorf. ko jungau
- .UORF. | .i le zunle matra cu se daspo .i mi la'a kakne tu'a le selkla gi'e na kakne le nu xrukla be fi le plini
- RIKER. | .i je'e .uorf. ko xrukla la .enterprais.

.UORF. | .i vi'o ga'i nai

RIKER. | .i faurbanzu le nu xrukla jenai daspo

DEITAS. | .i go'i ga'i nai .i le jenca boxna pu capyju'i diklo po'o le zunle matra

RIKER. | .i .uu xamgu celgunta

bu'u pa jayku'a

LAFORDJ. | .i mi ja'a xipiso'i banzu xelmredragau le darbei minji ja'e le nu darbei be le jatna bei fu le slekasfoi .i ku'i mi temtcu su'o pa djedi le se gasnu

TROIS. | .i la pikard. cu ju'ocu'i baca'o morsi

.UORF. | .i mi na krici la'e di'u .i mi lacri le jatna be sekai le balsoi .i le jatna ba jinga

TROIS. | .i do ca'o sruma le du'u le jatna cu lifri pa terjvi ritli .i mi'o na'e birti ri

RIKER. | .i go'i .i mi'o pesti'i po'o fo le fo'a termu'i .i na zmadu

.UORF. | .i mi'o denpa ki'u ma .i ganai da'i mi'o gunta le kesyblo gi fo'a na kakne le nu fo'a ra'irgau tu'a le slekasfoi

RIKER. | .ijebabo la'a co'a me pa nunda'a .ije la'a me pa nunjamna .ije mi'o la'a na kakne tu'a le nurxru be le jatna

.UORF. | .i pa nu gunta cu fanmo le zunti

RIKER. | gi'e dukse le xaircu'i gi'e ba se zunkte sau no le drata se cuxna .i .o'unairo'i ma se pensi fo'a .i .uenai da tadji le nu mi'o tavla fo'a

DEITAS. | .i mi pu cusku lu nibli le nu zenba cilre

RIKER. | ta'a ko zunkte .i doi deianas. ko sidju .i mi djica su'o jalge ti'u li so

ga'u re'o la .eladrel.

PIKARD. | .i doi le mi pendo seka'a ma .i faxycpe le janta tu'a le nerkla be le do ginka .i ku'i djica le mu'e danfu

bu'u pa briju

SKAMI | .i la darmok. bu'u la tanagras. i la cakar. i la mirab. sekai le ka brefalnu .i la darmok. i la mirab.

DEITAS. | .i depri'a .i la darmok.

TROIS. | .i la darmok. i ge'e ri simlu le ka seldau .i la'a le fo'a jatna pu stidi zo'e fi'o tolnei le pamoi vairsoi

DEITAS. | .i le se cnisku be fo'a cu mapti la'e di'u .i zo .darmok. e le drata valsi cu dzavla zo'e le bangu be fo'a .i li'a zo .darmok. cu selsmu zo'e fo'a

TROIS. | .i doi la skami ko facki fi zo .darmok. sepi'o ro le bangu vreji co diklo

SKAMI | .i vi'o .i zo .darmok. cu me pa balnoltru be fi'o zemoi jecta be la kandas. xi vo me'u je me pa ranmi kalte be do'e la cantil. xi ci me'u je me pa tutra be do'e la malindis. xi ze me'u je me lo bisli sairfa'o be do'e la raznas. xi mu me'u je me

TROIS. | ta'a .i depri'a .i doi la skami do'u vreji be fi zo darmok. la'u ma

SKAMI | .i li vo ze

TROIS. | .i jurpei le mi'o zbaske je lifri .e le mi'o ka munje fanva minji .e le mi'o so'i se nanca be tu'a le nu kesli'u .e le nu jikca be du'e kesfange cecmu

DEITAS. | .i mi ze'epu penmi pa ze mu vo na'e remna kesfange ca le mi selplijibri be fi la starflit.

TROIS. | .ije mi'o ce fo'a za'o na rinsa simxu

DEITAS. | .i go'i

TROIS. | .I tu'a pa valsi cu rinka ko'a goi le nu betri .i pa valsi cu bacru xlasku jo nai seljmi ja'e ko'a .i doi deitas. la'a ko'a ba srana mi'o .iju mi'o fliba

DEITAS. | .i ke'usku di'o le temci xi pa vo vo

SKAMI | .i la darmok. bu'u la tanagras.

DEITAS. | .i depri'a .i doi la skami ko facki fi zo .tanagras. sepi'o ro vreji

SKAMI | .i vi'o .i zo .tanagras. cu me le javni nolylanzu be do'e la galos. xi re me'u je me le ritli se pinxe be do'e la lericis. xi vo me'u je me pa sepli braplu be do'e la cantil. xi ci me'u

TROIS. | .i depri'a .i la cantil. xi ci .i doi la skami ko facki fi le kruca be la'u de'u bei fa la'e di'u

SKAMI | .i zo .darmok. cmene pa ranmi kalte be do'e la cantil. xi ci

TROIS. | .i mi'o ba'o facki

ga'u re'o la .eladrel.

PIKARD. | .i xu ti pa jatna plivei

DACON. | .i la darmok. i la darmok. e la jalad. bu'u la tanagras.

PIKARD. | .i mi pu kucli gi'e zukte fi no tolprali

DACON. | .i la cakar. i la tembas. sekai le ganra birka .i la tembas.

PIKARD. | .i .e'anai vi'onai .i mi na damba do .i do ba

DACON. | .i la darmok. e la jalad. bu'u la tanagras. i la tembas. sekai le ganra birka

PIKARD. | .i ra'i'aucu'i

bu'u lo midyku'a

.UORF. | .i doi le vonmoija'a tu'a le gasyici'e cu xusra le du'u pa dicydicra ca'a
jbikla le jatna

RIKER. | .i ko lanli

.UORF. | .i pa nalsto kamymaksi dilnu cu la'a jmive

RIKER. | .i ri jibni le jatna la'u ma

.UORF. | .i le dilnu poi ganse joi to'e ganse ke'a cu cunso gi'e la'a jbibio le jatna

RIKER. | .i xu gunta

bu'u lo matryku'a

RIKER. | .i mi'e raiker. do'u be'e lafordj.

LAFORDJ. | .i mi'e lafordj.

RIKER. | .i le darbei minji cu mulbi'o ca ma

LAFORDJ. | .i li vei re .a su'e ci se cacra

RIKER. | .i mi djica le nu le jatna se darbei ca nau

LAFORDJ. | .i ga'i nai ri na'e lakne

RIKER. | .i doi le vonmoija'a mi na zanru

LAFORDJ. | .i doi lefler. ma ralxelbo'a

LEFLER. | .i li pi ci vo ve zmadu le manri

LAFORDJ. | .i mi djica le nu merli be li su'o pi mu ci .i doi le vonmoija'a mi nitcu le
re mentu .ije ja'a xipiso'i to'e jalge

.UORF. | .i da'i na jalge

RIKER. | .i mi djuno .i mi'o ba ba'o xance pe'a jarco fi fo'a gi'e ku'i .ai ba zi zukte

.UORF. | .ie

RIKER. | .i doi lafordj. ko zukte

LAFORDJ. | .i je'e fe'o

RIKER. | .i mi'e raiker. do'u be'e le darbei kumfa xi pa

.OBRAIN. | .i re'i doi le vonmoija'a

RIKER. | .i doi .obrain. ko bredi

ga'u re'o la .eladrel.

DACON. | .i la mirab. sekai le ka brefalnu

PIKARD. | .i ko mibykla

DACON. | .i la mirab. sekai le ka brefalnu

PIKARD. | .i ko mibykla

DACON. | .i la cakar. ca le bitmu farlu .i la cakar. ca le bitmu farlu

PIKARD. | .i do pu cusku lu la cakar. li'u ca le nu mi troci zbasu pa fagri .i xu la
cakar. du fliba ja to'e snada

DACON. | .i la darmok. e la jalad.

PIKARD. | bu'u la tanagras. i mi morji tu'a le vals gi'e ku'i na jimpe

bu'u lo matryku'a

- LAFORDJ. | .i ma nacmeimei klani
- LEFLER. | .i jinyunjo'e xi vo ci so pi re no mu .i ganjdika fi li pi mu re ze
- LAFORDJ. | .i la'e di'u na crutcini .i ko cmajdikygau le ka glanejni jagri'a li ce'i pa mu
no
- LEFLER. | .i vi'o
- RIKER. | .i doi lafordj. ma nuzba
- LAFORDJ. | .i doi le vonmoija'a mi'a naru'e bredi .i doi lefler. ko benji le dukse ku le
kaircnepoi ne'i le darbei xi pa
- LEFLER. | .i vi'o ga'i nai
- LAFORDJ. | .i mi'e lafordj. do'u be'e .obrain.
- .OBRAIN. | .i re'i doi le vonmoija'a
- LAFORDJ. | .i ko cipcta le kaircnepoi
- .OBRAIN. | .i ri xamgu .i ga'i nai mi ca ze'e ba bredi

ga'u re'o la .eladrel.

- DACON. | .i la .uzanis. sekai le ke'a jenmi be tu'i la lacmir.
- PIKARD. | .i la lacmir. i xu la lacmir. pu simsa tu'a le cabna .i xu simsa tcini tai da'i
la lacmir.
- DACON. | .i la .uzanis. sekai le ke'a jenmi be sekai le plita xance
- PIKARD. | .i xu platu tu'a le plita xance .i ma sera'a le plita xance
- DACON. | .i le jenmi be sekai le bolci xance
- PIKARD. | .i ma sera'a le bolci xance .i pa jenmi be sekai le plita xance cu xlura le
bradi .i tu'a le bolci xance cu gunta xu .i .ua do casnu ta'i le sidysmu .i le
jenmi be ji'o la .uzanis. cu ckaji le ka plita xance
- DACON. | .i la sokac. sekai le to'e gacri kanla

PIKARD. | .oi .oi

bu'u lo darbei kumfa

.OBRAIN. | .i doi le vonmoija'a mi darbei le spisa po'o be le jatna

RIKER. | .i ko cmajdikygau le ka darbei linji

LEFLER. | .i zmadu fo li pa mu ze

LAFORDJ. | .i doi le vonmoija'a le xe merli cu mecyxlarai

bu'u lo midyku'a

.UORF. | .i le fo'a jatna cu lamji le kamymaksi dilnu gi'e naru'e canci sekai le jmive
sinxa

RIKER. | .i le slekasfoi cu tolcando .i .o'unairo'i le nu fo'a gasnu cu xlali .i fo'a ca'a
sanji le fasnu sepi'o le ganse ralxelbo'a .i mi'e raiker. do'u be'e .obrain. ko
jungau

.OBRAIN. | .i le slekasfoi ca'a fanta le nu darbei .i ga'i nai le darbei linji na banzu

RIKER. | .i ko gasnu tu'a le benji be fi le fo'a kesyblo

.UORF. | .i vi'o ga'i nai

RIKER. | .i le do jatna ca'a se gunta .i ko sisti le nu slekasfoi

PAMOIS. | .i la kailac. ca le ke'a galmu'u

.UORF. | .i fo'a pu zi sisti le nu benji

.OBRAIN. | .i mi'e .obrain. do'u be'e le midyku'a mi na kakne le nu ralte

ga'u re'o la .eladrel.

DACON. | .i la cakar.

PIKARD. | ca le bitmu farlu

le sezyta'a

RIKER. | .i le nu pamoi vairsoi plivei ku se tardetri li vo mu no vo bi pi bi .i le nu
darbei be la pikard. pu se fliba .i le te cuxna cu cmaze'a .i le ka mi dunku
cu te zengau

bu'u pa jajyku'a

- RIKER. | .i datnynoi tu'a la .eladrel. i le kamymaksi dilnu goi fo'e pu cliva ze'o nu'i la'u lo mitre be li gei pa
- KRYCER. | .i la pikard. cu kanro .i ku'i le fo'a jatna cu na kanro
- TROIS. | .i la'a selxai
- RIKER. | .i ganai da'i fo'e ba jdice tu'a le ninke'u gunta gi le jatna cu la'a nonkansa damba
- LAFORDJ. | .i ge'e le darbei cu narplixau .i fo'a pu cmajdikygau le slekasfoi ne'i le vomoi pagbu be le varxamsi .i le nu darbei cu tolcu'i
- .UORF. | .i da'i mi'o gunta le fo'a kesyblo
- RIKER. | .i xu do kakne le nu zvafa'i le krasi be le slekasfoi
- LAFORDJ. | .i fo'a pilno pa maksarlymi'i ti'a nu'i le plokesmatra .i my. mlitce se bandu
- RIKER. | .i xu mi'o popygau sepi'o le mi'o slebo'a xarci
- LAFORDJ. | .i na pamoi gunta .i nitcu le so'o gunta
- RIKER. | .i na banzu .i mi djica le nu sisti be le slekasfoi bei seja'e pa gunta kei .ebabo le nu darbei le jatna la .enterprais. kei pu le fo'a cfaga'e
- LAFORDJ. | .i ganai mi'o satci fargau le dicygauli'i ru'u nu'i le maksarlymi'i gi nitcu pa po'o gunta
- RIKER. | .i gasnu fi'o temci ma
- LAFORDJ. | .i la .uorf. e mi ba cnegau le celca'u ja'e le satci fargau .i so'o cacra
- RIKER. | .i ko zukte .i mi pacna tu'a le panpi jalge .i su'anai le tavla cu zanmau le gunta
- TROIS. | .i ku'i le nu tavla cu nabmi
- RIKER. | .i do pu facki ma
- DEITAS. | .i ru'a fo'a la'a claxu le ka sevzi be fi'o jimpe mi'o kei gi'e ckaji le ka nalfadni sucta pensi .i fo'a simlu ciksi fo le lisri xratai pe'a po'u le sitna be le prenu .e le stuzi bei ku'u le fo'a ramyme

- TROIS. | .i mu'a mi cusku lu la djuliet. ga'u re'o le balni li'u
- KRYCER. | .i xratai be tu'a le campa'i
- TROIS. | .i smudra .i le xratai cu mutce vajni fo'a .i fo'a caicni xy. i xy. cu puvba'uxausku gi'e tasmi le nu fo'a tavla je pensi
- RIKER. | .i ganai mi'o djuno tu'a le fo'a pensi gi mi'o kakne le ka tavla fo'a
- DEITAS. | .i ga'i nai mi'o jimpe le du'u gerna je nonvla
- KRYCER. | .i ganai mi to'e djuno fi la djuliet. a le nu la djuliet. ca'a sanli be lo balni gi lo xratai cu smucau
- TROIS. | .i smudra .i mu'a mi'o djuno le du'u la darmok. pu banli vudvri je kalte .e le du'u la tanagras. pu daplu .i ku'i no da zmadu .i claxu lei tcila ja'e le na'e jimpe
- DEITAS. | .i mi'o nitcu cilre fi le lisri po'u lei fo'a krasi xratai .i le nu cilre na lakne ki'u le nu mi'o fo'a na sarxe
- ga'u re'o la .eladrel.
- DACON. | .i la darmok. e la jalad. bu'u la tanagras.
- PIKARD. | .i le mi'o tcini cu simsa la'e di'u .i mi djuno .i ku'i mi nitcu zenba cilre .i do ba te lisri la darmok. e la jalad. i ko si do pu cusku lu la tembas. sekai le ganra birka li'u ca le nu do pu dunda lo dakfu .e lo fagri .i xu la tembas. du dunda .i la tembas. sekai le ganra birka .i la darmok. i ko dunda tu'a la darmok.
- DACON. | .i la darmok. ga'u re'o le xamsi
- PIKARD. | .i la darmok. i la darmok. i le xamsi .i la darmok. ga'u re'o le xamsi .i xu la'u di'u sidysmu le nonkansa .i la darmok. ga'u re'o le xamsi .i xu do kanro
- DACON. | .i lei panzi be la kiaz. bei sekai le cilmo flira
- PIKARD. | .i la tembas. sekai le ganra birka .i ko dunda tu'a la darmok. ga'u re'o le xamsi
- DACON. | .i la tanagras. ga'u re'o le xamsi .i la darmok. bu'u la tanagras.
- PIKARD. | .i la tanagras. y. cu gugde xu .i la tanagras. ga'u re'o le xamsi ku du daplu xu .i la tembas. sekai le ganra birka

- DACON. | .i la jalad. ga'u re'o le xamsi .i la jalad. bu'u la tanagras.
- PIKARD. | .i go'i .i lo re prenu pu klama le mintu daplu .i la darmok. e la jalad. bu'u la tanagras.
- DACON. | .i lo balda'u bu'u la tanagras.
- PIKARD. | .i lo balda'u .i xu pa balda'u pu zvati la tanagras. i la darmok. e la jalad. do'e lo balda'u be bu'u la tanagras. i lo re prenu pu sepli klama .ijebabo lo .y si loi re prenu pu damba pa bradi .i lo balda'u bu'u la tanagras. i la darmok. e la jalad. bu'u la tanagras.
- DACON. | .i la darmok. e la jalad. ga'u re'o le xamsi
- PIKARD. | .i loi re prenu pu cliva .i la darmok. e la jalad. ga'u re'o le xamsi
- DACON. | .i le xamsi .i la zindas. sekai le xekri flira .e le xunre kanla .i la kalimac. bu'u la baxar.
- PIKARD. | .i xu do pu sorpa'a le fasnu be fi'o simsa le cabna .i do pu djuno le du'u pa ckape balda'u cu zvati lo vi plini .ije do pu djuno le du'u le nu ckape be lei re prenu cu la'a rinka le nu kancni kei fo le lisri be la darmok. i la darmok. e la jalad. bu'u la tanagras. i do joi mi ca'a zvati la .eladrel.
- DACON. | .i la kiras. bu'u la bacis. i la tembas. sekai le ganra birka
- PIKARD. | .i xu mi gaurtcini .i mi na certu le ka te lisri .i ji'a do ba na jimpe .i la cakar. ca le bitmu farlu .i la'a jaxnalvai .i do djica le nu do ve lisri kei ra'anai zo'e .i pa lisri be fi'o mutce tolci'o bei ra'i le arde cu zasti .i mi troci le ka morji .i la gilgamec. po'u le nolraitru .i ko'i goi la gilgamec. po'u le nolraitru bu'u la uruk. i ko'i pu malku'i le ko'i se turni goi ko'e .i ko'e ba fengu ko'i .i ko'e ba ceveni cusku lu ko dunda pa kansa be lo mi'a nolraitru .i ko nurxru mi'a lo mi'a nolraitru li'u .ijebabo la enkidus. po'u le cilce je ricfoi prenu cu klama le barda tcadu .i la gilgamec. joi la enkidus. ba da'arsi'u bu'u lo malsi gi'e da'arsi'u bu'u loi klaji .ije la gilgamec. ba ji'apro la enkidus. ijebabo la gilgamec. joi la enkidus. ba'o banli simpe'o .i la gilgamec. joi la enkidus. bu'u la uruk.
- DACON. | .i la uruk.
- PIKARD. | .i lei cnino pendo cu klama le sudytu'a bu'u le nu lo balma'unakybakni be do'e le tsani cu catra lei mutce prenu .ijebabo la enkidus. cu sutyjai lo balma'unakybakni fo lo rebla .ije la gilgamec. ba darxi lo balma'unakybakni le cladakyxa'i

DACON. | .i la gilgamec.

PIKARD. | .i la gilgamec. joi la enkidus. ba ji'apro .iku'ibo la enkidus. cu farlu le sudytu'a ri'a le nu loi cevni cu darxi .ijebabo la gilgamec. kurki klaku gi'e ca cusku lu lo puze'u kansa be mi baze'e to'e zasti li'u

le sezyta'a

RIKER. | .i pamoi vairsoi plivei co mincku .i mi cuxna le nu gunta je darbei fi'o se claxu le drata te cuxna to'eki'unai le ckape

bu'u lo midyku'a

.UORF. | .i ga'i nai le slebo'a xarci ba zi bredi

RIKER. | .i doi .uorf. ko bredi le nu gunta

DEITAS. | .i doi le vonmoija'a le kanro be fa le fo'a jatna cu naru'e canci .i le fo'a jatna la'a morsi ga'i nai

RIKER. | .i ganai mi'o djuno gi fo'a djuno .i mi'e raiker. do'u be'e lafordj.

LAFORDJ. | .i mi'e lafordj. do'u vi'o

RIKER. | .i mi nitcu lo xarci

DEITAS. | .i ga'i nai tu'a le gasyeci'e cu xusra le du'u le kamymaksi dilnu goi fo'e cu jbikla la pikard.

ga'u re'o la .eladrel.

PIKARD. | .i mi jimpe tu'a le do morsi dunda .i ku'i ganai da'i le mi'o pendo pe'a cu catra mi gi no prenu ba cilre le du'u do vi troci

bu'u lo midyku'a

DEITAS. | .i la'u lo mitre be li me'i so .i doi le vonmoija'a li te'a re cu niltsa fo'e .i li me'i xa

LAFORDJ. | .i mi'e lafordj. do'u be'e le midyku'a lo xarci cu bredi

RIKER. | .i gunta

.UORF. | .i ga'i nai le dicygauli'i cu spofu

DEITAS. | .i ga'i nai le slekasfoi cu se fanmo

RIKER. | .i be'e .obrain. darbei

bu'u lo darbei kumfa

.OBRAIN. | .i doi le vonmoija'a do'u snada

bu'u lo midyku'a

RIKER. | .i la cildys. zmarai

.UORF. | .i vi'o ga'i nai

RIKER. | .i pamoi sajpgau

.UORF. | .i lo pritu badgai la'u li ce'i mu re .i no lo crane badgai

RIKER. | .i ko rivli'a

DEITAS. | .i ga'i nai la'e di'u na cumki .i pu darxi fo le pritu matra .i le pokesmatra
cu spofu

RIKER. | .i remoi matra .i ko darsta

.UORF. | .i ga'i nai fo'a jersi je gunta

RIKER. | .i doi .uorf. ko gunta fo'a .i zmarai xarci

.UORF. | .i vi'o ga'i nai .i le fo'a badgai na randa .i fo'a ninke'u gunta .i lo mi'o
badgai cu spofu

DEITAS. | .i doi le vonmoija'a mi'o na renvi be fi'o ziljmina gunta

PIKARD. | .i ko gasnu tu'a le benji be fi le fo'a kesyblo

.UORF. | .i doi le jatna do'u vi'o

PAMOIS. | .i la zindas. sekai le xekri flira .e le xunre kanla

PIKARD. | .i la temak. i le rirxe po'u la temak. ca le dunra

PAMOIS. | .i la darmok.

PIKARD. | e la jalad. bu'u la tanagras. i la darmok. e la jalad. ga'u re'o le xamsi

PAMOIS. | .i la sokac. sekai le to'e gacri kanla

PIKARD. | .i lo balda'u bu'u la tanagras. i la .uzanis. sekai le ke'a jenmi .i la cakar. ca le bitmu farlu

PAMOIS. | .i la pikard. e la dacon. bu'u la .eladrel. i la mirab. sekai le ka brefalnu

PIKARD. | .i la tembas. sekai le ganra birka

PAMOIS. | .i la tembas. sekai le cando

PIKARD. | .i ki'e

DEITAS. | .i ga'i nai ba'o cikre la .enterprais.

RIKER. | .i doi le jatna do'u cnino pendo xu

PIKARD. | .i doi pamois. do'u ju'ocu'i fo'a na cnino bradi
bu'u lo jatna kumfa

RIKER. | .i .a'o mi na dirgau

PIKARD. | .i doi pamois. go'i .i pe'u

RIKER. | .i le datnynoi be le tolprali cu mulno

PIKARD. | .i ki'e

RIKER. | .i ga'i nai xelso xu

PIKARD. | .i ge'e le la xomeros. zaurkupemci cu cirvai le mi'o kulnu le ka sidysmu

RIKER. | .i xu zakte fi le nu ba penmi la panzi be do'e la tamas.

PIKARD. | .i le nu zmadu lifri loi mi'o ranmi cu la'a sidju mi'o tu'a loi ranmi be fo la tamas. i lo jatna pu breidi le xaircu'i be ma'a ki'u le pacna be le nu casnu je kansa .i le vorme pe'a nau kalri .iseki'ubo loi cecmu cu djusi'u .i lo se tecyse'u be lo jatna pu zmadu lo kamji'e be lo jatna le ka vajni .i ki'e doi pamois.

fa'o